



KODEKS KOMUNICIRANJA I PROFESIONALNA ETIKA ANGAŽIRANIH U CENTRU ZA KULTURU DIJALOGA

Centar za kulturu dijaloga promovira ideje pozitivne, otvorene i argumentirane komunikacije, prije svega među angažiranima u programu, a zatim i u svim ostalim segmentima djelatnosti koje se odnose na direktnu komunikaciju.

Imajući u vidu osnovnu ideju CKD-a nužno je uspostaviti kodeks komuniciranja, koji se odnosi na sljedeće:

- CKD je u obavezi promovirati ciljeve otvorenog demokratskog društva u svim javnim obraćanjima
- CKD je u obavezi pratiti aktualna dešavanja iz oblasti debate u svijetu i pozitivne tokove prenositi u BiH
- CKD je u obavezi pratiti društvena zbivanja u BiH i u skladu s tim organizirati javne debate sa ciljem ukazivanja na problem
- CKD je u obavezi osigurati aktivnosti koje će okupljati učenike i nastavnike iz BiH u aktivnostima koje se odnose na obrazovanje iz oblasti: debate, govorništva, kritičkog mišljenja, logike, lobiranja, ljudskih prava, javnog nastupa, osnovama demokracije, gender-a, aktivnog slušanja, kulture komuniciranja, nenasilne komunikacije.....
- CKD će obavljati kontinuiranu evaluaciju znanja i vještina trenera iz recentnih oblasti debate, što će utjecati na status trenera kao suca i status trenera generalno u CKD-u
- CKD je u obavezi zalagati se za uvođenje debatne sekcije kao redovne sekcije u školi sa osiguranim statusom u okviru četrdesetsatne radne sedmice u skladu sa važećim prosvjetno – pedagoškim propisima i standardima
- CKD je u obavezi osigurati potporu za neometan rad sekcija u svim kantonima na nivou kantonalnih ministarstava obrazovanja
- CKD je u obavezi omogućiti sve relevantne informacije za nesmetan rad klubova i istraživački rad u školama
- CKD je u obavezi kontinuirano komunicirati sa koordinatorima o svim dešavanjima na terenu i blagovremeno rješavati eventualno nastale probleme
- CKD nije u obavezi osigurati finansijsku naknadu za angažman trenera u CKD-u s obzirom na prethodno navedeno vrednovanje unutar škole
- CKD će u skladu sa mogućnostima dodjeljivati periodične nagrade za najaktivnije trenere u CKD-u i trenere koji doprinose kvaliteti rada CKD-a, a prema mogućnostima CKD-a
- CKD je u obavezi afirmirati rad škola na svim nivoima u BiH i u javnosti općenito direktori škola će u ravnomjernim vremenskim intervalima evaluirati rad debatnog kluba u školi sa ciljem poboljšanja kvalitete rada. Evaluacijski listić direktor dostavlja CKD -u
- koordinator trenerima dostavlja pisanu informaciju najmanje sedam dana prije zakazane aktivnosti
- koordinator informira trenere o svim relevantnim informacijama u vezi sa radom u školama
- koordinator obavještava upravu škole o eventualnim nesporazumima sa trenerima u vezi sa radom u školama (pismeno i usmeno komunicirajući)
- koordinator u pravilnim vremenskim intervalima obavještava upravu škole o prisustvovanju trenera na aktivnostima CKD-a

- koordinator komunicira putem: pošte, telefona, fax-a, e-maila...ostavljajući jednom informaciju (putem bilo kojeg od navedenih sredstava komuniciranja)
- koordinatori imaju ovlasti da u slučaju elementarnog kršenja profesionalne etike donesu odluku o isključenju trenera ili škole iz debatnog programa
- trener koji dva puta uzastopno neopravdano otkáže najavljeno učešće debatanata na aktivnostima CKD-a gubi status trenera u CKD-u o čemu će uprava škole biti odmah obaviještena
- trener koji aktivno učestvuje u svim aktivnostima će imati mogućnost napredovanja u CKD-u o čemu će uprava škole biti odmah obaviještena
- trener najmanje 4 dana prije navedene aktivnosti obavještava koordinatora o učešću u navedenoj aktivnosti
- trener odmah po primitku informacije treba reagirati šaljući povratnu informaciju koordinatoru
- trener svaku izmjenu plana ili novu informaciju treba dostaviti koordinatoru odmah nakon što je aktualna, s obzirom da koordinator periodično informira upravu škole o komuniciranju sa trenerom
- trener je, nakon što primi fax ili dobije poruku putem mobilnog telefona, u obavezi odgovoriti koordinatoru na poziv ili poruku, ne čekajući ponovljeni poziv od koordinatora
- trener koji je potpisao suglasnost da dobrovoljno pristaje na suradnju sa CKD-om je u obavezi prisustvovati svim aktivnostima koje organizira CKD. Ukoliko nije u mogućnosti, pismenim putem treba obavijestiti koordinatora o razlogu nedolaska, što će biti arhivirano uz fajl škole i trenera
- trener koji u kontinuitetu tri puta ne prisustvuje aktivnostima CKD-a po automatizmu gubi status trenera u CKD-u o čemu će uprava škole biti odmah obaviještena
- trener je u obavezi zalagati se za pozitivne aspekte debatnih takmičenja, ne uključujući osobne, subjektivne stavove o sucima i organizatoru.

Svi uključeni u aktivnosti CKD-a se obavezuju da će poštivati sljedeće:

- u svakom obraćanju bilo angažiranima u CKD-u ili u bilo kojem javnom nastupu u ime CKD-a Kodeks za štampu i Kodeks Regulatorne agencije za komunikaciju, Deklaraciju o slobodi političke debate, te poštivati pravo na privatnost.
- u svakom obraćanju bilo angažiranima u CKD-u ili u bilo kojem javnom nastupu u ime CKD-a:
 - poštivati Konvenciju o zaštiti ljudskih prava
 - poticati slobodu izražavanja uvažavajući sve kodekse i konvencije
 - poštivati sve kodekse propisane u CKD-u
 - promovirati vrijednosti tolerancije i suživota
 - promovirati nenasilnu komunikaciju
 - promovirati primjere pozitivne prakse kulture dijaloga
 - uvažavati drugačije mišljenje
 - prenositi tačne, provjerljive i fer informacije
 - promovirati pravdoljubivost uvažavajući različitost
 - podržavati detabuiziranje tema u javnom forumu
 - podržavati uspostavljanje interkulturnog dijaloga
 - nikada i ni u kojoj situaciji ne podleći jeziku mržnje ili upotrebi Ad Hominem argumenta

CKD se ograđuje od svih izjava svih članova uključenih u aktivnosti Centra za kulturu dijaloga datih bez prethodne pismene suglasnosti kancelarije Centra za kulturu dijaloga.

